

**MASƏLA ANA WAKITÀ
UWANA POL
ATSETSER À AZLA
TESALONIKI
Deuxième Lettre de Paul aux
Thessaloniens**

Ayyi

¹ Gi Pol la uwana gətsetser wakità uwanay, anu la Silas ngaha la Timotawus bay. Mətsetser à maham à ahəŋ məna gay Zəzagəla la gudəŋ Tesaloniki, uwana azlaaŋa Zəzagəla Baba, ngaha aŋa Sufəl Yesu Kristu. ² Zəzagəla Baba la Sufəl Yesu Kristu tapis à akul gay à vok, la lapiya.

Aganay seriya uwana adàpaka vok

la kaslà uwana Yesu adàsa à waŋ

³ Azladedə, 'Kikay', məgođ à Zəzagəla kà akul koksikoksi, məđah uwaga ndzer, kà uwana madiŋal gəl à vok aŋkul, uwana kadiŋawwal gəl à vok, adàla slilih məŋga, ngaha mawoy vok aŋkul uwana kawoyaw vok ada à huma à gay. ⁴ Gay gà la uwaga, baŋa anu la huma à azlaməna gay Zəzagəla anik kà, hahalakanna à gày ləv gami, kà uwana amiyaka azladza tasa à akul ngərpa, tapəsew akul kà, kabasawwan, katsizllaw à delga à afik, ngaha kadiŋawwal gəl à vok, amiyaka la matərəbay uwaga la abà gesina.

⁵ Azlatatak uwanay gesina apəhanula, kà Zəzagəla adàdfah seriya la dziriga. Kasaw nğərpa kà makoray Zəzagəla, la uwaga la uwana adàzlayla akul aña mad à slaka makor gəl à abà. ⁶ Ndzer, Zəzagəla adàgədf dziriga à afik. Bokuba magoday, adàtərəb azladza uwana tatərəb akul suwan. ⁷ Lagonay kà kasaw nğərpa, ama Zəzagəla adàzəb akul nğərpa lakəl ala, amiyaka anu babay. Adàdfah uwaga la vudf uwana Sufəl Yesu adàsa à ahən la zagəla, la azlamalika aña, uwana tazləb masla. ⁸ Kiya uwaga Sufəl gami Yesu adàsa à ahən la magol akəl la abà, kà madàdfahla seriya à azladza uwana à gəl tapəsew Zəzagəla, nğaha azlauwana à gəl takweska gay marabən lakəl aña. ⁹ La abatà la uwana tadàdfah à atà seriya dzañdzanğa à gəl, tuwiz tadənən huf adi aña Zəzagəla tetuwa, amiyaka mazləbay, nğaha la ndzəfa aña aw.* ¹⁰ Uwaga adàpaka vok la mavakay uwatà, adàsa à wan kà, kà masləkaway aña azladza aña, azlaməna madiñal gəl à vok tadawoy masla. Akul bay kadàgaw la atà, kà uwana kadiñawwal gəl à gay gami uwana à vok, məpəh à akul.

¹¹ Gay gə la uwaga mədəv kuɖa koksikoksi kà añkul. 'Kamkam', məgodf à Zəzagəla gami, kà mapakakulla sətaka, kà akul aña madz à ahən la sifa uwana azalà akul, nğaha ahən sləray aña madiñal gəl à vok añkul ala, mənəval kà masla aña mazlak à akul la maslay aña. ¹² La kiya uwaga kà, sləm aña Sufəl gami Yesu adàgay masləkaway gə la slaka añkul,

* **1:9** 1.9 Yesayya 2.10

ngaha akul kadàgaw maslækaway gà kà masla. Uwaga gesina adàpaka vok kà vok mahamay anja Zəzagəla, ngaha la Sufəl gami Yesu.

2

Gay lakəl anja masla məzam anja Zəzagəla

¹ Azladedə, gəpəh à akul lakəl anja mavakay anja mas à waŋ anja Sufəl gami Yesu, ngaha la maham gay à vok gami la slaka anha. ‘Kamkam’, məgodf à akul azladedə, ² kiya uwaga kà baŋa dza adəgodf à akul kà, afats mas à waŋ anja Sufəl kà adəslay kà, gəl adəkədf akul à vok katskats aw, guba adəkəs akul babay aw. Zlahaw, dza adəpəhla uwaga ala bokuba gay anja azladza uwana Zəzagəla apəh à atə gay à ahəl anja mapəh à azladza anik, baŋaw aza akul gay Zəzagəla, baŋaw agodf à akul kà anu la uwana mətsetsər uwaga. ³ Amiyaka la kakay maŋ kà, kasakaw dza apapatakula gay aw. Kà uwana mavakay uwaga adəsa à waŋ kiya uwaga pəra aw. Say azladza tadəzigən gəl anjatə lakəl anja Zəzagəla dadən, ngaha masla məzam uwana masla kà anja mazila tetuwa, adəpəhla vok ala. ⁴ Masla kà kəla tatak uwana azladza tanəfay la maslækaway kà, adədfəfal gay à ahən amiyaka à Zəzagəla, la tatak uwana taslækaway gesina kà adədfəfal gay à ahən. Adəzigən gəl anha lakəl anja tatak gesina, adəday kà madz à ahən la mən gəy Zəzagəla la aku. La abatə kà: ‘Gi la uwana gi Zəzagəla’, adəgodfay.✧

✧ 2:4 2.4 Daniyel 11.36; Hezəkiyel 28.2

⁵ Awul akul à gəl à uwana gəpəh à akul uwaga gesina, à mok uwana gələg la tataka aŋkul la abà aw ay? ⁶ Kà uwana lagonay kà, tatak anik la ahəŋ adəfal gay à ahəŋ kà mas à waŋ. Kasəlaw uwana adəfal gay à ahəŋ: Kà uwana baŋa kaslà aŋha adàslay kà, masla məzam uwaga adəpəhla gəl aŋha ala. ⁷ Iyay, lagonay ndzəfa aŋa mazigəŋ gəl uwaga adəh sləray la slaka azladza, mətsən tatak uwaga kà la mapəhanula aŋa Zəzagəla. Ama tatak uwaga kà apaka vok la dazuwaya aw, say baŋa dza uwana adzala à ama, az vok aŋha la uwana adəbəza tetəvi. ⁸ La lig aŋa uwaga la ahəŋ kà, masla məzam uwaga adəpəhla vok ala. La vud uwana Sufəl Yesu adàsa à ahəŋ la mazləbay aŋha, adəkəfay la afad gay aŋha, adəziŋ ala la mapəhla vok aŋha ala la abà.✧ ⁹ Masla məzam uwaga adàsa à waŋ la ndzəfa aŋa seteni, adəfahəh azlatsəhay sləray mavaləh ləv à azladza à gay anik anik, ŋgaha la azlanadzipo fida gə. ¹⁰ Adəpapatah azlamazehlaga gesina, la azlagay la azlasləray mawisiga aŋa anik anik gesina. Tadəzehla, kà uwana takweska gay marabəŋ, uwana naka abəl atà, la uwaga takweska dziriga. ¹¹ Gay gə la uwaga, Zəzagəla la gəl aŋha adəvə à atə ndzəfa, kà atə aŋa madiŋal gəl à fida uwaga à vok. ¹² Kiya uwaga kəla dza uwana adiŋ gəl à dziriga à vok aw, ama arab la mawisiga la abà, Zəzagəla adəfahalla seriya à gəl.

Zəzagəla atsatsàmàni akul kà magay azlaaŋha

✧ **2:8** 2.8 Yesayya 11.4

¹³ Say 'Kikay', mægod à Zəzagəla koksikoksi lakəl aŋkul azladedə. Zəzagəla awoya akul, atsatsəmàni akul kà dagay madzəka gudəŋ à vok kà aŋa mabəl akul. Kabèlāw kà la Masasədok aŋha, uwana apəkakulla kà azladza aŋha, ŋgaha kabèlāw kà, kà uwana kakəsàw dziriga babay. ¹⁴ Zəzagəla azalà akul à uwaga à abà la gay marabəŋ uwana məzakulaŋ. Azalà akul kà akul aŋa magay la mazləbay, uwana Sufəl gami Yesu Kristu agà la abà la gəl aŋha. ¹⁵ Tsa baŋa kiya uwaga kà, azladedə, wàdàw vok à uda la gay Zəzagəla la abà. Kiya uwaga kəsàwwəŋ la ləv azlatatak uwana mətəpakulla amiyaka uwana mətəpakulla la gay amiyaka uwana mətsetser à akul matsetseray.

¹⁶ Sufəl gami Yesu Kristu la gəl aŋha, ŋgaha Zəzagəla Baba uwana tawoya anu, tapis à anu gay à vok, ŋgaha tavà à anu ndzəda, kà anu aŋa manəfay kà uwana delga pəra, la mapəhay kà uwana dziriga pəra. ¹⁷ La vok mahamay aŋha, adzərədəkulla koksikoksi, ŋgaha masla azlaka akul aŋa maf manewəŋ à tatak uwana à afik adàsa à ahəŋ.

3

Dèvəw kudfa à Zəzagəla kà aŋami

¹ Ŋgaha zla, azladedə, aganay à uwana atəm, kà anu à ahəŋ aya aŋa mapəh à akul: 'Dèvəw kudfa à Zəzagəla kà gay aŋha aŋa mad à huma à gay katskats, ŋgaha azladza aŋa masləkaway bokuba uwana apakà vok la tataka aŋkul la abà babay. ² Ŋgaha aya, dèvəw kudfa à Zəzagəla kà

masla aṅa manəṅla anu, kà azlaməna madfàh mawisiga la azlaməna makəsafər, kà uwana azladza gesina takəs dziriga aw!’

³ Ama Sufəl gami kà, masla kà dziriga, adàdzərədəh akul à uda ṅgaha adənəṅla akul la azlamawisiga la abà. ⁴ Gay gà la uwaga kà, Sufəl gami avà à anu manewəṅ lakəl aṅkul babay, kà uwana məsəl kà, kadfahawwaṅ uwana məpəh à akul, bə la huma la gay bay kà, kadàdəhaw uwaga.

⁵ Awoyaṅ kà Sufəl Zəzagəla, azlaka akul, kà akul aṅa mawoyəṅ kaykay, kà akul aṅa mabas matərəbay bokuba uwana Yesu Kristu abasaṅ.

Makəs vok aṅa sləray

⁶ Azladedə, ‘Kamkam’, məgod à akul la sləm aṅa Sufəl Yesu Kristu, kadzaw à ahəṅ la azlaməna masa la slaka gə aw, kà uwana takəs matapatla gami uwana məzàtəṅ aw. ⁷ Hadfay, akul la gəl aṅkul kasəlaw madz à ahəṅ gami, uwana mədzà à ahəṅ la tataka aṅkul la abà lela, nəfàw slaka asik gami, kà uwana anu azlaməna masa aw. ⁸ Kiya uwaga məzàw tatak may aṅa azladza deyday aw. Məyà vok məkəs aṅuf la adi ala məfahàhà sləray mahəṅay la mavakay, kà anu aṅa madzadzər gəl gami, ṅgaha kà anu maf mahanay à azlaməna gay Zəzagəla à gəl aw. ⁹ Ndzer, məsà mazlak anu aṅkul nəma. Ama məfahàhà kiya uwanay kà, kà akul aṅa manəfay madz à ahəṅ gami. ¹⁰ La dziriga kà, mok uwana mələg la tataka aṅkul la abà kà, məpəh à akul la dazuwaya kà, dza uwana asal sləray aw kà, azuw tatak may suwaṅ aw.

¹¹ Uwana mɔpɛh à akul kiya uwanay kà, kà uwana mɔtsɛnɛŋ kà aɲuvaw la tataka aɲkul la abà kà azlamɛna masa, tafah slɛray aɲatà aw, say mavalàh à gày aɲa azladza anik à abà pɛra.

¹² Tsɛhay dza uwaga kà, gɛnav à akul, ɲgaha gɛfaha à akul akur à lig la slɛm aɲa Sufɛl Yesu Kristu: ‘Kà atà tafahà slɛray aɲatà la tetɔvi aɲha, kà atà aɲa madzadzar gɛl aɲatà!’

¹³ Azladedà, akul kà kayàw vok aɲa madàh delga dīkidīki aw. ¹⁴ Kiya uwaga baɲa dza akɛs matapla gami, uwana mɔtsetsɛr à akul à wakità uwanay à abà aw kà, dùwàwwalla à adi, kafawwal slɛm aw, kà ziruwɛ aɲa makɛsay.

¹⁵ Ama kanɛrɛzaw masla bokuba masla mɛzam aw, say kawullawla matsihila bokuba deda aɲkul.

Ayyi makɛd gɛl à ahɛŋ

¹⁶ Sufɛl, masla aɲa makor lapiya, avà à akul lapiya la kaslà gesina. A bà la mana beyimi bay. Awoyan kà Sufɛl adza à ahɛŋ la akul gesina.

¹⁷ Gi Pol, la uwana gɛtsetsɛr wakità uwanay la ahàl gulo: ‘Ayyi’. Nɛɲàwwàɲ bokuba uwana gɛfà ahàl à wakità gulo uwana à afik gesina.

¹⁸ Mapis gay à vok aɲa Sufɛl Yesu Kristu agay la akul gesina.

**Wakità Zəzagəla Wakitə Anja Makəs Vok
Slawda Mawga (Cameroun)
Matal: Wakitə Zəzagəla Wakitə Anja Makəs Vok
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 13 Jul 2024 from source files
dated 29 Jan 2022

03efbf2f-98ca-5534-8610-0be3a8c4b974